

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

TINDAKAN TEGAS TERHADAP MEREKA YANG MENAIKKAN HARGA YANG TIDAK MUNASABAH BAGI TOPENG MUKA (FACE MASK)

PUTRAJAYA, 27 JANUARI 2020 - Kementerian Perdagangan Dalam Negeri dan Hal Ehwal Pengguna (KPDNHEP) menegaskan akan membuat tindakan tegas terhadap mana-mana pihak (peniaga) yang mengambil kesempatan dengan menaikkan harga topeng muka secara tidak munasabah di dalam situasi orang ramai memakainya sebagai langkah keselamatan dan pencegahan dari wabak Novel Coronavirus (2019-nCoV) di negara ini. Tindakan tegas ini adalah melalui Akta Kawalan Harga dan Antipencatutan 2011.

Sehubungan itu, perlu diketahui bahawa lima (5) jenis topeng muka yang telah ditetapkan sebagai barangan harga terkawal adalah seperti berikut:

(i) Topeng muka (pembedahan/perubatan) 1 lapisan (gelung telinga) - Harga Borong RM 5.00 sekotak , Harga Runcit RM 7.00 sekotak

(ii) Topeng muka (pembedahan/perubatan) 2 lapisan (gelung telinga) - Harga Borong RM 8.00 sekotak , Harga Runcit RM 10.00 dan RM0.20 sen seunit

(iii) Topeng muka (pembedahan/perubatan) 3 lapisan (gelung telinga/gelung kepala) - Harga Borong RM 25.00 sekotak, Harga Runcit RM 0.80 sen seunit



(iv) Topeng muka (pembedahan/ perubatan) 3 lapisan (ikatan pada kepala) - Harga Borong RM 30.00 sekotak, Harga Runcit RM 0.80 sen seunit

(v) Topeng muka (pembedahan / perubatan) N95 - Harga Borong RM 100.00 sekotak, Harga Runcit RM 6.00 seunit

Kelima- lima jenis topeng muka yang dikawal harganya secara perundangan ini adalah di bawah peruntukan Akta yang sama.

Sebarang pelanggaran di bawah peruntukan Akta ini bagi kesemua jenis topeng muka yang dinyatakan tersebut boleh dikenakan tindakan undang- undang seperti berikut:

- 1) Individu: boleh didenda oleh mahkamah sehingga RM100,000.00 atau dipenjarakan tidak melebihi 3 tahun atau kedua-duanya atau dikompaun sehingga RM50,000.00; dan**
- 2) Syarikat: boleh didenda sehingga RM500,000.00 atau dikompaun sehingga RM250,000.00**

Perlu diingatkan juga, bagi jenis topeng muka selain daripada 5 jenis yang ditetapkan harga maksimumnya seperti di atas, Kementerian masih mempunyai kuasa mengambil tindakan di bawah Akta Kawalan Harga dan Antipencatutan 2011 (bagi sebarang perlakuan menaikkan harga borong atau runcit topeng muka secara tidak munasabah).

Kementerian Perdagangan Dalam Negeri dan Hal Ehwal Pengguna telah menjalankan pemantauan berterusan dengan mengarahkan pegawai-pegawai Penguatkuasa seramai 2300 orang untuk membuat pemeriksaan seluruh negara sejak 25 Januari 2020 yang lalu dan mengambil tindakan tegas terhadap mana-mana pihak yang mengambil kesempatan dengan menaikkan harga topeng muka secara tidak munasabah. Tindakan tegas ini berdasarkan Akta Kawalan Harga dan Antipencatutan 2011.

Pihak Kementerian memohon kerjasama dan perhatian pihak yang terlibat dalam pembekalan dan penjualan topeng muka agar membuat urusan niaga secara berhemah dan mematuhi peruntukan harga maksimum topeng muka yang telah ditetapkan oleh Kerajaan.

###

Datuk Muez Bin Abdul Aziz
Ketua Setiausaha
Kementerian Perdagangan Dalam Negeri Dan Hal Ehwal Pengguna
PUTRAJAYA
27 JANUARI 2020

#####

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) ditubuhkan pada 27 Oktober 1990. Matlamat penubuhan kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapkan dan ke arah self-regulated, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :



